



豫章遊稿

雲間吳懋謙六益氏著

西昌蕭伯升孟昉氏校

五言絕

脫劍

脫劍勞相贈平生慷慨風英雄原不測大畧布衣中

卽歸

採蓮遲卽歸卽期向可信不道不歸來紅燭淚流盡

古意

少小隨飄姚三年作征戍怪殺汝南雞夢斷金微路  
江上隱者

天鷄鳴樹間煮菟日過午朝看山南雲暮看山北雨  
長安道

樓觀直青霄笙歌夜不消一朝烽燧起吹暗咸陽橋

長干曲

長干好兒女花衣自婀娜喚郎羅緯中身手何如我

其二

江女如蓮花紅顏間黑髮一笑不迴頭香風猶未歇

山間見僧歸

隴首日初沉葦陰短檝次小犬吠月光山僧夜歸寺

代婦

桃花春已落荷葉夏初生夢中親見爾只是不分明

岸憤

靄靄四山陰疎林逗孤鶩岸憤倚層軒新月隱江樹

見月

鷗鳥蹴波戲空林風乍歇酒後悄無聲江心見明月  
題風竹

幽人坐空谷蒼翠真絕俗夜半風雨來吹落瀟湘竹  
晚色

晚色動浩波微微見楓樹忽聽棹歌來行人暝猶渡

芝山驛

遙山媚夕霽河漢浩無雲倦身歸故栖遠見參差羣

豫章遊稿

雲間吳懋謙六益氏著

西昌蕭伯升孟昉氏校

七言絕

乙巳五日吳閩同王燮臣沈繹堂計子山馮介  
臣無害沅有觀競渡

笙歌十里接樓臺何處香風笑語回三十龍舟看競  
渡滿城紅粉一時來

其二

垂簾回舫隱漁磯  
夾岸葵花燕子飛  
侍女兩傍焚栢  
子微涼輕進五銖衣

其三

北風統扇動微寒  
艾葉榴花雨後看  
鎮日笙篴彈不  
斷羅衣共倚玉欄杆

其四

楊柳絲絲拂地輕  
金盤銀燭盪舟行  
就中更有多情

者隔幔微聞玉笛聲

舟行卽事

荷葉田田菰葉齊  
滿庭殘照數峰西  
柳條墮地竟如  
許不縮離人意已迷

其二

綠槐青艾雨來時  
望見橋頭颺酒旗  
搖槳童蠻欣弄  
水一船捕得小魚兒

登廻龍閣

迴龍閣下草萋萋一塔峻嶒萬木低汲水老僧相對  
語鷓鴣聲斷夕陽西

口號

刺桐花發路漫漫燈火隣身語夜闌共說晨風東北  
起輕帆無恙掛江干

村中

菱歌清唱度前汀拂拂荷香醉醪醕布穀催耕聲不  
斷揚舫吹角亂峰青

安慶阻風

大江飛浪堆崔巍大風拔木聲喧阗客子驚悸伏船  
下疑有蛟龍渡水來

江干遇羅丈人淪茗談怪喜而賦之

江干茅屋滾濤聲邂逅羅翁倒屣迎淪茗殷勤善談  
怪逢人便說木龍精

小艤

翩然客思渡長江葭菼青青刺小艤瀟瀟有情窺劍

履芙蓉無意著船窓

望湖亭有感

孤槎獨客傷湖汀兩鬢風濤駐此亭回首軒皇功業  
在不堪遺恨曉峰青

章江道中

陰陰夏木自婆娑兩岸青山夕照過一帶章江西去  
路采蓮歌斷暮蟬多

豐城縣

山青水碧路迢迢嘒嘒玄蟬送短橈晨起豐城瞻望  
迥至今劍氣入雲霄

乙巳立秋施愚山招飲大雨宿署

別來飄落酒盃中剪燭新秋此夕同久旱忽深三寸  
雨兩人相對說年豐

其二

花垣蘭蕙入簾青絡緯聲中不耐聽肺病五更殘夢  
裏西風一葉下孤亭

其三

風雨荒城萬疊雲  
寺鐘幽響隔簾聞  
訟堂望去清如水  
一片蕭江比使君

其四

閣皂山前秋雨涼  
芙蓉小屋靜聞香  
署中有芙蓉屋  
故人藥餌時相訊  
異地私憐病不妨

新秋寓天寧寺五絕

芙蓉花發繞滄洲  
露下西江涼滿樓  
一曲吳趨向誰

聽傷情明月是新秋

其二

白豆花開舊梵宮  
長林啼鳥水煙空  
遙思二十年前事  
一半兵戈避寺中

其三

樟木千尋蔭法壇  
披裘鎮日坐盤桓  
老夫筋力年年減  
羨爾根株百歲看

其四

卷之四  
五  
細草秋風晚日斜  
老僧相對展袈裟  
藏經閣下無人到  
纓絡垂垂散雨花

其五

異鄉節序又秋風  
萬樹鳴蟬夕照中  
清楚數聲人靜後  
半簾河漢落梧桐

懷董蒼水

法華臺畔雨濛濛  
七月臨江蘆荻風  
君上九峰如悵望  
故人多病楚天中

臨江竹枝詞

高亭結束鼓蓼蓼  
社祭江旛處處從  
親見法師齊下拜  
滿城士女盡迎龍

其二

小巫酌酒賽神筵  
東洳西溝沒稻田  
兒童共說湖西道  
雙淚精誠竟格天

小孤山

大江晴色夕陽催  
雨後青蓮片片開  
萬頃浪花東去

盡中流一柱小孤來

大孤山

踈雨秋風客渡來孤帆西去楚天開彭湖剩有支機石我欲乘槎天際迴

將抵饒州望馬跡山

萬樹丹楓照客顏夾城樓閣枕湖關王遙藥臼還如故一片秋雲馬跡山

大雷岡有感

平岡曲逕野花開萬里鄱江曙色來晚世交情太無賴至今猶是說陳雷

登鄱陽南城樓

落日西風草木秋鄱江薦福繞南州登臨劇飲題詩後不減當年太白樓

其二

憑高何處白雲齊回首鄉關望轉迷滿岸荻花銀雁落夕陽秋色大江西

延賓坊

秋日秋花爛熳開  
范逵曾此一啣杯  
城中空說陶公宅  
明月蕭森半草萊

弔英布墓

城北浮雲澹不流  
墓門煙樹迥生愁  
當年雄畧歸吳芮  
此地空餘白草秋

鄱陽淮府墓有感

海王宮闕舊嵯峨  
聞說繁華此地多  
我到忽生興廢感

感離離衰草沒銅駝

其二

一朝零落罷登臨  
疊石玲瓏千載心  
惟有土人犁舊瓦  
角聲吹徹白雲沉

永寧寺作

當年兵火半荒蕪  
散步祇林落雁孤  
一片斜陽鐘磬杳  
寺門碑碣已模糊

芝山下偶吟

羈旅思鄉晚炤斜山山鴻鵠起蒹葭曲欄一澗幽香  
出爛熳臺前發野花

入西山絕句四首

招尋物外過西山白露寒霜草木斑自笑此生年五  
十不知何日駐丹顏

其二

宿鷺羣鷺亂野汀遊人曲曲上孤亭北風偏欲侵雙  
鬢立馬西峰萬點青

其三

蒼崖斷壁轉春姿伐木丁丁野步遲一徑水流幽壑  
裏亂雲斜日自吟詩

其四

策蹇冬畦晚日斜半生心跡負年華西山落落長天  
外更有誰人學板麻

晤丁栖霞鍊士

嶺外神仙丁令威翩然華表看斜暉茅菴檻藥枝枝

秀但見丹霞一片歸

宿金嶺見雪

嘹唳南天一雁來無邊月色下層臺北風夜半吹殘  
夢散作塢花滿逕開

江頭同潤山問渡

衝寒冰雪下南天立馬江頭問渡船握手笑看玄玉  
杖歸衙好著白雲篇

別徐爾者

荷葉田田細柳齊山晴水碧夕陽低扁舟一醉橫塘  
路花落春江鳥亂啼

其二

鷓首東歸戀薜蘿一樽春樹遶山河豈知相見旋相  
別此夕風流衛玠多

其三

白日滄洲紫燕飛江南春盡百花稀多情賴有西園  
月雙炤離人淚滿衣

其四

無端今日又擔簦滿地  
靡蕪暮色凝不信新交成莫  
逆六朝詞賦屬徐陵

其五

清溪好鳥不成羣折柳慙勤手  
重分他日思君情倍切登臺遠  
望闔閭雲

野人家

南塘煙水野人家楊柳青青細雨斜  
一逕草深麋鹿

過晚風吹落石楠花

同潤山石野絳喬飲江中石上

春風吹我上高臺細柳平蕪野色開  
把酒清歌聲不斷斜陽一片大江來

青原山待月橋

待月橋邊曲曲通朗公說法水聲中  
空林布穀催寒食細草幽花滿澗紅

凝翠亭

疎松午夢醉還醒乍喜新晴到短亭一逕水流花片  
裏亂峰斜日落空青

賦得垂絲海棠六首

雜珮珊珊翠靄中倚窓婀娜小衫紅遷延弱質嬌難  
定不爲雕欄二月風

其二

西園綺樹亂垂絲碧玉當年未嫁時十二珠簾人散  
後朦朧睡起月光遲

其二

無奈嬌慵未出幃蓬山處處綵雲飛玉堦日暖消紅  
粉甲帳春寒試錦衣

其四

纂纂花光拂女牆芙蓉小閣出明粧漢宮姊妹新承  
寵半染臙脂待夕陽

其五

蘇合線絲染翠翹麗華深鎖織龍綃東風不管繁枝

弱日日亭前闌細腰

其六

誰家曲唱縷金寒此日邀花坐夜闌艷色偏工飲酒  
後淺粧猶喜近燈看

四虛亭聞笛

故人同醉此亭中三徑松篁嘯晚風何處笛聲聲不  
斷滿林吹落杏花紅

賦得紫藤花六首

參差臺榭掩重門玉女窓虛燭影昏一片錦茵花欲  
睡夜深殘月更消魂

其二

錦屏綉石映新粧別有仙姿小苑香應是半酣盧女  
醉嬌狀微笑立斜陽

其三

花暖鶯啼竹塢風桃花繁艷一時空多情每作霓裳  
舞最是煙籠細雨中

其四

虬枝夭矯紫煙分，狼藉香風細細聞。  
珍重遊人莫輕折，珠簾深鎖一亭雲。

其五

花枝簇簇向君看，三月春殘蛺蝶寒。  
翠袖臨風渾欲倦，一時共倚玉欄干。

其六

名花開遍日初斜，相國西園醉晚霞。  
燕子滿庭新水綠，可憐春盡未還家。

綠可憐春盡未還家

賦得牡丹花二首

參差珠樹綴鸞鸞，宿雨初收百寶壇。  
仙掌金盤承玉露，一時回首曉風寒。

其二

羅襦寶帶錦幃前，越國西施醉綺筵。  
一片紫絲開步障，微風起舞落金鈿。

與張松友

望裏煙寒九片峰江村語燕雨重重去年醉我黃花  
酒明月城西蕭寺鐘

與王寧人

隱居我憶薜蘿垣寂莫春風酒一樽想到滬城人自  
遠杏花鳩語不開門

示周玉衡

春雲曉靄野禽飛寒食花開客到稀猶記別筵頻握  
手烏啼夜半送余歸

兩窓二絕寄張豫章嘉樹玉樹

野水無情竟不回傷心白髮上頭來山深春暖稀人  
至一樹桃花隔岸開

其二

月暗孤城起暮陰十年塵土亂春心酒醒無限悲歌  
事門掩殘燈夜雨深

澗南作寄遐音湘士

澗南澗北水濺濺桃花杏花春滿天大開西閣鳥雙

下夕陽一片山蒼朕

其二

村塘水漫柳絲絲燕子啣花細雨遲不信江郎才思  
減一春作客不題詩

洛家祠

斜楊古道日遲遲散步春風嘆黍離洛家祠下香火  
廢康王廟前纓絡垂

無題

憶自初旬相見時銖衣嫋娜珮遲遲低頭暗想香風  
細何處人間玉樹枝

其二

若耶溪畔柳絲斜十五盈盈隔絳紗誰是開籠憐翡翠  
珠欄深護洛陽花

其三

臺雲苑月草萋萋片片桃花踏作泥手把葳蕤深自  
鎖聽鶯同過畫橋西

其四

三月東風柳乍溫  
杏花踈雨正消魂  
侍兒夜報溪流  
急對對鴛鴦巧傍門

其五

琉璃硯瓦簇香雲  
弱態輕盈酒半醺  
細寫青溪小姑  
曲墨痕偏漬石榴裙

其六

莫愁家住木蘭橋  
慣作迴文織絳綃  
十二畫簾明月

晝避人偷弄紫鸞簫

其七

朱樓歌舞揜嬋娟  
紅粉雙蛾蹙黛煙  
燕子伎頭栖不  
穩更啣春色玉杯前

其八

名園齊唱麗人行  
斗帳流蘇金鴨香  
亭外海棠嬌不  
起一枝紅雨壓斜陽

其九

青雀南飛秋月初相携翠袖過匡廬鄭玄小婢能通  
字留取湘簾簡架書

其十

綠綺空彈啼夜鳥更傳銀箭夢迴孤相思欲贈金光  
草海外青鸞信有無

送曾青藜二絕

天涯作客醉孤亭不道逢君眼便青握手甚難分手  
易一江城樹雨冥冥

其二

子規啼罷百勞啼無數雲山落日低君去亦憐虛館  
客琵琶淚濕楚江西

天寧寺七夕

蕭寺森森萬木青新秋明月下孤亭獨憐歲歲天涯  
客向晚愁看織女星

初入虔州

崆峒山外雨初收千里環迴二水流此日清吟向誰

和春風憔悴入虔州

登贛城

贛州城北雁初還  
落日春風獨自閒  
一片白雲飛萬  
里樽前不斷夜光山

又見

金鑪香熟象牀溫  
試取紅綃拭淚痕  
就中侍女尋花  
去小立銀屏進一言

送方位白歸青原

紫陌晴江乳燕飛  
故人千里片帆歸  
無情厭見垂楊  
柳慣與離亭送客衣

其二

虎城一別各天涯  
握手慙慙共憶家  
最是貧交無可  
贈萬山前路落桐花

其三

新蒲踈雨夏初時  
才子登臨一賦詩  
歸到青原如問  
省過庭爲我話相思

懷方和尚也

其四

崆峒日落楚江流  
殢酒徵歌放客舟  
別後離心應不  
斷可憑清夢到虔州

東湖作

百里斜風短棹孤  
荒陂處處長新蒲  
只今不改東湖水  
昔日樓臺望有無


題李遠之觀奕圖

棕鞋桐帽卽生涯  
君是山陰舊世家  
晝靜疎簾看對

奕好風吹出石榴花

其二

風流白袷楚江汀  
花底砑聲酒後聽  
塵世輸君能坐  
隱滿樓殘照數峯青



子童遊和

卷之四

三

林在言屋

